



ԳԵՂԱՐՎԵՍՏԱԿԱՆ ԵՐԵԿՈՆԵՐ Ս. ԷԶՄԻԱՇՆԻ ՀՈԳԵՎՈՐ ԾԵՄԱՐԱՆՈՒՄ

Մարտի 26-ին Մայր Աթոռ Ս. Էջմիածնի հոգևոր ձեմարանի հանդիսությունների դահլիճում տեղի ունեցավ գեղարվեստական երեկո՝ նվիրված հայոց լեզվին:

Հայոց լեզվի ծագման, անցած ուղու և էության մասին հակիրճ տեղեկություններով հանդես եկավ հոգևոր ձեմարանի հայոց լեզվի դասախոս, բանասիրական գիտությունների թեկնածու Խաչիկ Բադիկյանը:

Այա հոգևոր ձեմարանի հայ հին և համաշխարհային գրականությունների վաստակաշատ դասախոս Պարզև Շահբապյանը հրավիրեց ուսանողներին հայոց լեզվի մասին բանաստեղծություններ արտասանելու՝ հակիրճ տեղեկություններ տալով հեղինակների մասին և մի քանի բառով վերլուծելով նրանց ըմբռնումը հայոց լեզվի գեղեցկության, տրամաբանական կարողության մասին՝ որպես հայ ժողովրդի ազգային գոյության հիմքը: Ուսանողները մեծ ոգևորությամբ և խորունկ ընկալումով արտասանեցին Ստեփաննոս Նազարյանցի, Ե. Չարենցի, Վ. Թեքեյանի, Սիամանթոյի, Սիպիլի, Վեսպերի, Պ. Սևակի, Ն. Չարյանի, Խ. Դաշտենցի, Ռ. Չոպանյանի, Մարկ Ռիժկովի, Միքայել Ռաշիդի, Վաչագան Հովհաննիսյանի ստեղծագործությունները:

Բանաստեղծություններն ընդմիջվում էին հայ և օտար մշակույթի նշանավոր գործիչների ասույթներով հայոց լեզվի մասին:

Այա օրհնության խոսքով հանդես եկավ Վեհափառ Հայրապետը, դրվատեց դասախոսների և աշակերտների աշխատանքը և ցանկություն հայտնեց, որ այսպիսի երեկոները հաճախակի դառնան՝ առավել ևս հաղորդվելու համար հայ ոգուն ու հայ մշակույթի արժեքներին:

*
* *

Ապրիլի 30-ին տեղի ունեցավ գեղարվեստական երեկո՝ նվիրված Եղեռնի նահատակների հիշատակին:

Բացման խոսքով հանդես եկավ Ս. Էջմիածնի հոգևոր ձեմարանի հայ ժողովրդի պատմության դասախոս Կարեն Մաթևոսյանը: Այա ուսանողները արտասանեցին հատվածներ Ե. Չարենցի «Դանթեական առասպել», Պ. Սևակի «Անլուծելի Չանգակատուն» և «Եռաձայն պատարագ», Հ. Շիրաչի «Հայոց Դանթեականը», Վահագն Դավթյանի «Ռեքվիեմ» պոեմներից, Սիամանթոյի «Մահուան տեսիլք» և «Արցունքներս», Հ. Թումանյանի «Հոգեհանգիստ», Ռ. Սևակի «Հայրենիքս», Վ. Թեքեյանի «Ողբ» բանաստեղծությունները:

Արտասանություններն ընդմիջվում էին հայ ժողովրդի, նրա պատմության և մանավանդ ողբերգության՝ 1915 թվականի մասին օտար և հայ մեծանուն մարդկանց արտահայտություններով՝ Մաքսիմ Գորկի, Սերգո Օրջոնիկիձե, Սերգեյ Կիրով, Լեփիխուս, Նանսեն, Մորգենթաու, Անատոլ Ֆրանս, Կարլ Լիբկնեխտ, Ալ. Բահակյան:

Երկու ընդարձակ հատվածներ կարդացվեցին Վեհափառ Հայրապետի՝ Մեծ եղեռնի առիթով հրապարակված կոնդակներից:

Ամունքի բաժինը երափակվեց Ս. Կապուտիկյանի «Մտորումներ ճանապարհի կեսին» պոեմում հայ ժողովրդին ուղղված ապրելու պատգամով և Հ. Թումանյանի

«Հուսի Հայրենիք,
Լուսի Հայրենիք:

Իմ նոր Հայրենիք,
Հզոր Հայրենիք»

ոգեշնչող վերջաբանով:

Այա օրհնության խոսք ասաց Վեհափառ Հայրապետը և կոչ արեց ներկաներին՝ հիշել հայ ժողովրդի ապրած մեծագույն ողբերգությունը և ստեղծագործական կյանքով հաստատել հայ ժողովրդի պայծառ գոյությունը, որի լավագույն առաջավառչյան այսօրվա ծաղկյալ Հայաստանն է:

ԹԶԹԱԿԻՅ